

國史讀本

二卷

國

史

江苏工业学院图书馆

藏 书 章

讀

本

光緒三十四年四月朔日印行

定價大洋貳角五分

版權
所有

著 作 者 咸 陽 李 岳 瑞

印 刷 所 上海西門外梅林山路順元里 廣 智 書 局 活 版 部

發 行 所 上海英界四馬路 廣 智 書 局

分 售 處 各 省 大 書 莊

(國史讀本卷二全一冊)

國史讀本卷二目錄

三國一曹操始起

二袁紹之敗

三昭烈初起

四孫權初起

五孫

劉之合從諸葛亮附

六赤壁之戰

七先主入蜀

八孫曹交戰始末

九吳蜀交惡

十魏蜀吳之立國

十一諸葛亮南征

十二諸葛亮出師

表

十三諸葛亮北伐始末

十四司馬懿專魏政

十五諸葛亮後漢事

始末

十六吳事始末

十七司馬昭始末

十八鍾會鄧艾平蜀

晉

一武帝初政

二晉吳交涉

三平吳之役

四鮮卑之亂

五武帝晚

年事

六賈后之亂

七趙王倫之亂

八諸王之亂

九周處

五胡亂華總論

十一劉淵

十二愍帝之亡

十三元帝保江東

十

四祖逖

十五王敦再反

十六石勒劉曜之爭

十七蘇峻之亂

十八

八陶侃

十九李氏據蜀始末

二十石氏之亡

二十一前涼張氏上

二十二前涼張氏下 二十三慕容氏前燕之興 二十四苻秦之興

二十五桓溫始末 二十六王羲之 二十七苻堅任用王猛 二十八秦

滅燕 二十九淝水之戰 三十苻秦之亡 三十一拓跋魏之興 三

十二秦涼分裂 三十三王恭之亂 三十四桓玄之亂 三十五宋武帝

之起 三十六劉裕滅燕 三十七劉裕翦滅羣雄 三十八益州之收復

三十九劉裕伐秦 四十姚秦之亡 四十一長安之亂 四十二李

密 四十三王褒 四十四庾袞 六朝一宋武之篡 二陶淵明之高

節 三徐謝等廢立之事 四徐傅謝之被誅 五索虜寇陷河洛 六

魏崇天師道場 七魏滅夏之役 八續 九元嘉北伐 十續 十

一彭城王義康之敗 十二宋時政治風俗 十三崔浩之禍 十四北伐

再敗 十五續 十六魏師入寇 十七續 十八魏主燾之被弑

十九元凶劭之變 二十武陵王之起兵 二十一諸王反逆 二十二孝

武失德

二十三前廢帝之狂暴

二十四晉安王子勛之敗

二十五淮

北之失

二十六蕭道成之篡位

二十七齊初時事

二十八魏遷都洛

陽

二十九蕭鸞篡弑

三十魏主南北之師

三十一魏孝文用夏變夷

之政策

三十二魏再舉伐齊

三十三魏宣武之失德

三十四蕭寶卷

誅戮大臣

三十五齊末三叛

三十六梁武帝之起兵

三十七江郢之

破

三十八梁武帝受禪



國史讀本卷二

咸陽李岳瑞編

三國一 曹操始起

獻帝既歸洛陽。曹操由兗州來朝。以洛陽殘破。遂挾帝南徙於許。於是政歸曹氏。而三國之勢成矣。操字孟德。沛國譙人。其父嵩。中常侍曹騰之養子也。操少而機警。有權數。任俠放蕩。不治生業。時人未之許。獨橋玄重之。嘗語操曰。天下將亂。非命世之才。不能濟也。能安之者。其在君乎。許子將號知人。謂操曰。君治世之能臣。亂世之奸雄也。黃巾之亂。操討賊有功。及董卓弑逆。棄官歸鄉里。散家財。募兵討卓。時關東州郡十餘。同時並起義師。奉袁紹爲盟主。然諸侯各顧其私。莫能相下。久之皆散去。操亦奪兗州而據之。會天子東還。操帥師入衛。遂以大將軍輔政。既遷許。大募民。屯田都下。自遭荒亂。天下乏食。軍行無所給。操用韓浩棗祇等議。始興畊屯。州郡皆置田。

官以督農事。數年得穀百萬斛。操之征伐四方。不慮缺乏者。實賴此也。是時袁紹并吞河朔。袁術稱帝壽春。張繡虎視於南陽。呂布鴟張於徐兗。皆操之勁敵也。操默察天下大勢。以爲河南不平。則肘腋之患未除。不敢遠征河北。故其用兵也。先近而後遠。先弱而後強。袁術最驕。而兵力脆薄。故先擊之。術戰敗走死。乃移兵擊繡。兩出師而後降之。呂布恃其驍勇。兵力極悍。伺操之遠征也。襲兗州而據之。是役也。操幾失敗。賴布恃勇輕敵。與其謀主陳宮不相得。宮言輒不見用。部下諸將漸離散。歸操。布勢益蹙。乃出降。操執布并宮殺之。於是河南悉平。

三國二 袁紹之敗

義師之散也。袁紹奔冀州。執韓馥而奪之位。既乃出軍。稍稍擊幽并青諸州而并之。遂奄有大河以北。兵強國富。爲諸侯最。而猜沮無遠略。獻帝之還洛也。有勸紹悉師入衛。挾天子以臨諸侯。桓文之業可成。紹遲疑不決。而曹操已遷帝都許矣。紹聞操之爲大將軍。班在己上也。則大怒。操甫得政。人心未固。不敢與紹爭。乃示弱以驕之。

奏以大將軍讓紹而已爲司空。紹乃悅。旣而操勢日盛。將軍董承謀誅操。事洩見殺。紹始謀討之。其將沮授田豐皆忠鯁有淺畧。授說紹曰。操方挾天子以臨我。今舉師征之。於義爲逆。且其法令嚴明。士卒精練。非他州之比。宜先進屯黎陽。漸營河南。益作舟船。繕脩器械。分遣精兵。抄其邊鄙。使彼常勞而我常逸。如此可坐定也。紹聽郭圖審配言。不用授計。且忌授兵權過重。分所統爲三。由是授益見疏。豐力諫不可輕進。紹怒囚之。遂進軍臨河。先傳檄宣操罪惡。主簿陳琳之辭也。操引兵拒紹。連戰。斬紹將顏良文醜。皆萬人敵也。紹軍大震。遂屯官渡。授說紹堅壁自守。紹又拒之。遂大敗。授被執不屈死。紹歸。媿見田豐。先使人殺之而後入。紹敗後七年。發病嘔血卒。未及定嗣。長子譚。少子尙。爭國相攻。譚旋降於操以求救。操急引軍往。而尙亦引匈奴南單于之師以敵譚。操旣破尙。斬南單于蹋頓。因迴師擊譚。斬之。尙戰敗。與庶兄熙奔遼東。太守公孫康斬之。以其首獻操。袁氏遂滅。

二國三 昭烈初起

袁紹旣滅。於是大河南北。中原之地。悉歸曹氏。其與操競爭者。惟劉備孫權耳。備字玄德。景帝子中山王勝之後也。居於涿。少時不甚喜讀書。好狗馬音樂。美衣服。身長七尺五寸。垂手下膝。能自顧其耳。少語言。喜怒不形於色。四方豪俠。爭結埒之。黃巾起。擊賊有功。除安喜尉。會督郵以公事至縣。備往謁。不得見。怒。直入。縛督郵。杖之二百。遂棄官亡命。往依公孫瓚。瓚使守平原相。郡民有不嫌於備者。使客刺之。客不忍。反以情告之而去。其得人心如此。陶謙爲徐州牧。病篤。謂其下曰。非劉備不能安此州也。謙卒。州人相率迎備。備遂領徐州。袁術方謀并吞徐豫。聞之大怒。親帥師來攻。備方與術相持。而呂布乘虛來襲。虜備妻子。備不得已。旋師求和於布。讓徐州與布共之。妻子乃得歸。後卒爲布所攻。乃棄州歸曹操。操得備大喜。表爲左將軍。時操不臣之跡已著。備與董承等謀誅之。恐操見疑。乃閉門種菜。以示無他。一日。操邀備飲酒酣。謂備曰。天下英雄。惟使君與操耳。備驚。手中箸落地。會雷聲驟發。始從容拾箸起曰。一震之威。乃至於此。操使備出擊袁術。而承等事洩被害。備乃奔袁紹於冀州。

察知紹不可與共事。復之荊州。依劉表。表亦漢宗室。得備喜甚。以弟畜之。操之北征也。備說表引兵襲許都。表不能用。未幾。表卒。長子琦不得立。幼子琮襲其位。操聞表卒。自以大軍南伐。備拒戰不勝。琮遂降操。

三國四 孫權初起

孫堅字文臺。吳郡人。年十七。爲縣吏。與父之錢唐中流遇海賊。掠人財物。方據岸上。相與瓜分。行舟鱗次不敢進。堅曰。此賊可擊也。即操刀上岸。以手指麾。若部勒兵卒狀。賊望見。以爲官軍來捕也。急委棄財物。四散奔走。堅追斬得一級。由是名大顯。黃巾起。討賊數有功。洊至長沙太守。董卓之挾帝西遷也。諸州鎮皆起義兵。同盟討賊。然皆畏卓強。不敢進。惟堅提孤軍進討。大破卓軍。至雒陽。脩復諸陵。義軍旣散。堅亦南還。依袁術。會術與江夏太守黃祖交惡。使堅擊之。爲祖軍士所射。中流矢死。長子策字伯符。英果有父風。舒人周瑜者。當時名士也。策與之爲總角交。堅死時。策年甫弱冠。收召堅故時部曲。得數百人。往依袁術。術奇之。常歎曰。使術有子如孫郎。死不

恨矣。悉授以父兵。使平定江東。策行時。衆裁千餘。比至歷陽。已五六千人。渡江而東。所向無前。而軍令整肅。人以是畏而愛之。策爲人美姿容。好笑語。性情闊達。能受盡言。是以士民見者。莫不欣心。樂爲致死。江表旣定。會袁術僭帝號。策遺書絕之。曹操專政。知策之有大志。而方與袁紹相持。力未能討。乃陽與厚善。表爲討逆將軍。封吳侯。且與結昏姻。以羈縻之。操之拒紹於官渡也。悉師以出。許下空虛。策偵知之。密治兵。部署諸將。謀乘虛襲許。迎漢帝。未行而爲故吳郡太守許貢客所殺。先是策攻破吳。殺貢。客挾貢少子。間行得免。會策單騎出。卒與客遇。客狙擊傷策。創重遂不起。策無子。呼弟權。授以印綬。命周瑜張昭輔之。謂曰。中國方亂。以吳越之衆。三江之固。足以觀成敗。成霸業。夫決機於兩陳之間。卿不如我。舉賢任能。以保江東。我不如卿。言終而卒。時年纔二十有六。

三國五 孫劉之合從諸葛亮附

諸葛亮。字孔明。琅邪人也。蚤喪父。隱於襄陽之隆中。躬畊畝。好爲梁父吟。身長八

尺。每自比管仲樂毅。時人未之許也。惟徐庶崔州平深奇之。先主之在新野也。庶言於先主曰。諸葛孔明者。臥龍也。將軍豈願見之乎。先主曰。君可與俱來。庶曰。此人不可屈致。將軍宜枉駕顧之。先主許諾。三往然後得見。因屏人語曰。今曹操擁百萬之衆。挾天子以令諸侯。誠不可與爭鋒。孫氏據有江東。已歷三世。國險而民附。賢能爲之用。此可與爲援。而不可圖也。荊州北據漢沔。利盡南海。東連吳會。西通巴蜀。此用武之國。而其主不能守。殆天所以資將軍乎。益州險塞。沃野千里。高祖所資。以成帝業。今劉璋闇弱。民殷國富。而不知存恤。將軍以帝室之胄。信義著於四海。若能跨有荊益。保其險阻。天下有變。則命一上將。將荊州之衆。北向宛洛。將軍率益州之師。以出秦川。百姓孰敢不箪食壺漿以迎王師者乎。如此。則霸業可成。漢室可興矣。先主曰善。由是與亮情好日密。嘗謂人曰。孤之有孔明。如魚之得水也。曹操南征。劉琮遣使迎降。先主方在樊。聞之。急率衆南行。至夏口。亮請曰。事急矣。請奉命求援於孫將軍。先主許之。時權方擁衆屯柴桑。觀望成敗。亮說以合從拒操之利。權猶豫未決。亮

以語激之。權勃然曰。吾不能以全吳之地。十萬之衆。受制於人。吾計決矣。卽遣周瑜。程普。魯肅等。將水軍三萬。隨亮詣先主。并力拒操。

三國六 赤壁之戰

曹操之南征也。衆號八十萬。旣下江陵。遂以舟師順江而下。至赤壁。然士卒皆北方人。頗不慣南土之卑溼。患疾者多。初交戰。輒不利。乃斂軍退傍北岸。瑜等在南岸。相持久不決。瑜部將黃蓋曰。今寇衆我寡。難與持久。然吾觀操軍船艦。皆用鐵鑠鉤連。首尾相接。緩急不能自運。是可燒而盡也。乃先遺書報操。詐稱願降。與約期相迎。至日。先豫備走舸。各繫大船後。引次俱前。而前取輕利戰艦數十艘。載燥荻枯柴。使盈艦中。灌以魚膏。用赤幔覆之。建旌旗龍幡於艦上。時東南風方急。因以諸艦最著前。中江舉帆。蓋舉火。白諸校。使衆兵齊聲大呼曰。來降。操將軍士。皆出營立觀。距北軍二里許。諸艦同時發火。火烈風猛。船急如箭。飛埃皆赤。俄頃。北船悉已燒盡。延及岸上營砦。煙炎漲天。光燭百餘里。操軍大亂。瑜等率輕銳步騎繼其後。操兵敗潰。退保

南郡。先主與瑜等共追之。操畱曹仁守江陵。而自引敗軍北還。於是孫權表先主爲荊州牧。治公安。瑜旋取南郡而守之。因爲權畫計。欲乘勢西征。盡取巴蜀。然後徐議北向。以圖中原。權許之。瑜還江陵。未至。卒於巴丘。權哭之甚慟。自瑜卒後。權諸將如魯肅程普輩。皆僅思自守。而無意於進取。先主得以乘機。畧定荊州江南諸郡。權亦以江陵歸之。操敗歸數年。未嘗出師南嚮。於是三分之局定矣。

三國七 先主入蜀

靈帝之末。王室多故。中原擾亂。惟巴蜀最爲富庶。寇盜所不及。宗室劉焉。乃建議。刺史權輕。不足以鎮攝州郡。宜選重臣。以爲牧伯。靈帝從之。焉遂夤緣得爲益州牧。傳其子璋。性寬柔。無威略。而張魯在漢中。頗驕恣。密謀圖璋。曹操旣失利於荊揚。亦謀大舉征蜀。璋患之。別駕張松。智謀之士。知璋不可輔。陰通欵於先主。說以引軍襲蜀。已爲內應。因說璋曰。劉豫州使君宗室。而善用兵。若使之擊魯。魯必破。曹公雖來。無能爲矣。璋然其策。因遣法正。往迎先主。正因爲先主陳取蜀之策。先主畱諸葛亮關

羽守江陵。而自將入蜀。與璋相見甚歡。璋推先主行大司馬。且增給兵仗。使擊張魯。先主至葭萌。不卽討魯。而厚樹恩德。以收衆心。會曹操南征。孫權呼先主自救。先主遣璋書。求借兵萬人東行。張松以爲先主果去蜀也。馳書止之。事爲璋所覺。收松斬之。而勅關隘守兵。無納先主。先主大怒。遽勒兵向璋。璋遣將拒之。皆敗退。屬縣悉下。會軍師中郎將龐統中流矢。卒於雒城。先主召諸葛亮。以張飛趙雲諸軍。泝江西上。留關羽守江陵。亮至軍。遂克雒城。進圍成都。璋力竭出降。先主自領益州牧。蜀土大定。旣而曹操定漢中。留夏侯淵張郃守之。數數犯三巴諸郡。先主乃自將北征。與操軍相拒於陽平關。南度沔水。緣山稍前。於定軍山勢作營。淵將兵來爭。先主命黃忠乘高鼓譟攻之。大破淵軍。斬淵。郃退走。操方在長安。聞淵敗。亟舉衆南下。先主曰。曹操雖來。無能爲也。我必有漢川矣。及操軍至。先主斂兵守險。終不交鋒。會天大雨。操軍死亡甚多。果引兵還。先主遂盡有漢中。及上庸諸郡。以羣下勸進。乃自立爲漢中王。三國鼎足之勢。由是遂定。